

**PAS desak Suruhanjaya Diraja ditubuh siasat NFC**  
**MalaysiaKini.com**  
**January 16,2012**  
**S Pathmawathy**

Naib Presiden PAS, Datuk Mahfuz Omar mahu kerajaan menubuhkan Suruhanjaya Diraja (RCI) bagi menyiasat dakwaan penyelewengan dalam projek ternakan lembu Perbadanan Fidlot Kebangsaan (NFC) dan berpendapat sekadar membekukan aset syarikat berkenaan tidak memadai.

NONEMahfuz berkata hanya dengan adanya RCI, siasatan akan lebih terperinci apabila kerajaan menganugerahkan projek bernilai jutaan ringgit untuk menternak lembu kepada syarikat yang tidak berpengalaman itu pada tahun 2006.

Perdana Menteri Datuk Seri Najib Razak pada Sabtu lalu mengumumkan bahawa semua aset NFC dibekukan sementara menunggu siasatan oleh Suruhanjaya Pencegahan Rasuah Malaysia (SPRM) dan pihak polis.

Sebelum ini, Menteri Wanita, Keluarga dan Pembangunan Masyarakat Datuk Seri Shahrizat Abdul Jalil yang suami dan anaknya antara lembaga pengarah syarikat berkenaan mengumumkan akan bercuti selama tiga minggu.

"Saya tidak melihat bagaimana dengan bercuti, Shahrizat mampu menyelesaikan kemelut ini," kata Mahfuz.

Beliau yang juga ahli parlimen Pokok Sena berkata beliau turut tidak pasti bagaimana tindakan membekukan aset NFC oleh kerajaan dapat menjamin pinjaman mudah RM250 juta yang diberikan oleh kerajaan dapat diselamatkan.

Justeru, Mahfuz mencadangkan supaya aset individu semua lembaga pengarah syarikat berkenaan juga dibekukan.

Copyright © 1999-2012 Mkini Dotcom Sdn. Bhd  
<http://www.malaysiakini.com/news/186723>